

四庫全書

史部

欽定四庫全書

弇山堂別集卷四十五

明 王世貞 撰

內閣輔臣年表叙

內閣故翰林學士任也始高皇帝渡江剪荆棘日不暇
給矣而稍從諸儒生受經而是時弘文學士基最貴幸
當惟中寄丞相以下無敢望之已益勸馬上業進學士
承旨同及漁漁又最幸得偕上坐起其職大抵紀注言

動備顧問云而上時時授以旨使爲詔草濂獨多所當
久之上倣宋益置華蓋謹身文華武英四文淵東閣二
俱大學士秩正五品徵諸明經長者以次代擢而會承
相惟庸敗析中書六之尚書寄天下任而大學士稱近
臣不爲置僚屬無所治天子方自操威福亦無所寄裁
至文皇帝繼大位始即文淵閣召侍講等七人日入直
左右已益親重上所與謀羣臣甚秘稍遷至大學士歲
時賚予同尚書矣仁宣朝用太子經師恩累加至三孤

益尊而宣皇帝右文遏殺內柄無大小悉下大學士士
奇等取報行而吏部蹇義戶部夏原吉以不時召得迭
入省可六尚書事與士奇均而大學士陳山等或鮮所
關預豈非無顯職繇上輕重裁耶論道之體創尊仁宣
迨景及憲大權始集今視之赫然真相矣夫閣臣於禮
至貴倨也視百司乃無重相壓何以相稱焉其喜怒借
上意故上不嫌逼也威福間已意故下屏息也創白由
六曹故難不與也取以詔行故衆無敢訾也賢者當之

不見跡而治不肖者當之不及敗而亂此在人主擇矣
起永樂之壬午其姓氏歲月備攷見云

解縉字大紳江西吉水人由洪武戊辰進士三十五年
以翰林待詔陞侍讀入四年以左坊學出廣西右叅議
改交趾坐事下獄十五年卒年四十七

黃淮字宗豫浙江永嘉人由洪武丁丑進士三十五年
以中書舍人入永樂十三年以右坊學下獄二十二年
以武英殿學復入宣德元年以少保殿學致仕正統九

年卒年八十三

胡廣字光大江西廬陵人由洪武庚辰狀元三十五年以翰林修撰入永樂十七年以文淵閣學卒年四十九胡儼字若思江西南昌人由洪武丁卯鄉貢士三十三年以翰林檢討入永樂十四年以右諭德出爲國子祭酒復侍經筵及皇太孫講讀洪熙元年加太子賓客致仕卒年八十三

楊榮字勉仁福建建安人由洪武庚辰進士三十五年

以翰林編修入正統五年以少師謹身殿學卒年七十
楊士奇名寓以字行江西廬陵人由薦舉授審理副洪
武三十五年以翰林編修入永樂五年以左諭德輔東
宮正統九年以少師華蓋殿學卒年八十

金幼孜名善以字行江西新淦人由洪武庚辰進士三
十五年以翰林檢討入宣德六年以太子少保武英殿
學卒年六十四

楊溥字弘濟湖廣石首人洪武庚辰進士洪熙元年以

太常學士入宣德四年丁憂服除掌院正統元年以禮書學士入十一年以少保武英殿學卒年七十五

陳山字汝靜福建沙縣人由鄉貢宣德元年以戶侍謹身殿學入四年以戶書殿學出教內豎九年卒年七十
張瑛字子玉直隸邢臺人由鄉貢宣德元年以禮侍華蓋殿學入四年以禮書殿學出掌南部正統二年卒年六十二

馬愉字惟和山東臨朐人由宣德丁未狀元正統五年

以侍講學士入十年以禮右侍講學卒年五十二

曹鼎字萬鍾直隸寧晉人由宣德癸丑狀元正統五年以侍講入十四年以吏左侍學士死難年四十八

陳循字德遵廬陵人由永樂乙未狀元正統八年以學士入天順元年以少保華蓋殿學成赦歸天順七年卒年七十七後詔復官

高穀字世用直隸興化人由永樂乙未進士正統十年以工侍學士入天順元年以少保謹身殿學致仕卒年

六十七

苗衷字秉彛直隸定遠人由永樂辛卯及第正統十年以兵侍學士入景泰元年以兵書學士致仕卒年八十張益字士謙直隸江寧人永樂乙未進士正統十三年以侍講學士入十四年死難卒年五十

商輅字弘載浙江淳安人正統乙丑狀元十四年以翰林修撰入天順元年以兵左侍太常兩學士爲民成化三年復入十三年以少保謹身殿學致仕二十二年卒

年七十二

彭時字純道江西安福人由正統戊辰狀元十四年以翰林修撰入本年丁憂服除不入天順元年以太常少卿學士復入成化十年以少保文淵閣學卒年六十

江淵字世用四川江津人宣德庚戌進士景泰元年以刑侍學士入四年以太子少師出爲工部尚書以天順元年謫戍卒復官

俞綱字

闕

浙江嘉興人由舉人景泰元年以兵侍入

一月仍出佐部事加太子少保天順元年改南致仕

王一寧字

闕

浙江仙居人由永樂戊戌進士景泰二

年以禮侍學士入三年以太子少師卒

蕭鎡字孟勤江西太和人由永樂甲辰進士景泰四年
以祭酒學士入天順元年以太子少師戶書爲民詔復
官

王文字千之直隸東鹿人由永樂辛丑進士景泰五年
以吏書學士入天順元年以少保謹身殿學誅年六十

五復官

徐有貞字元玉直隸吳縣人由宣德癸丑進士天順元年以左副都學士入本年以武功伯華蓋殿學謫爲民金齒赦歸成化八年卒年六十六

許彬字道中山東寧陽人由永樂辛丑進士天順元年以禮侍學士入本年出爲陝西參政致仕卒復官

薛瑄字德溫河清人永樂辛丑進士天順元年以禮侍學士入本年致仕卒年七十六

李賢字原德河南鄆州人由宣德癸丑進士天順元年
以吏侍學士入本年以吏書出福建參政尋以吏侍入
成化二年以少保華蓋殿學卒年五十九

岳正字季方直隸灤縣人由正德戊辰及第天順元年
以翰林修撰入本年謫欽州同知謫戍甘肅復官不入
閣以興化知府致仕卒年五十五

呂原字逢源浙江秀水人由正統己未及第天順元年
以通參侍講入六年以學士卒年四十五

陳文字安簡廬陵人由正統丙辰及第天順七年以禮
侍學士入成化四年以太子少保文淵閣學卒年六十五
劉定之字主靜江西永新人由正統丙辰及第成化二
年以常少讀學入四年以禮左侍學士卒年六十一

萬安字循吉四川眉州人由正統戊辰進士成化五年
以禮侍學士入二十三年以少師華蓋殿學致仕卒年
七十一

劉珣字叔溫山東壽光人由正統戊辰進士成化十一

年以吏侍學士入二十一年以太子太保謹身殿學致仕卒年六十五

劉吉字佑之直隸博野人由正統戊辰進士成化十一年以禮侍學士入弘治五年以少師華蓋殿學致仕卒年六十七

彭華字彥實江西安福人由景泰甲戌進士成化二十一年以吏侍學士入二十二年以太子少保禮書致仕卒年六十五

尹直字正言江西吉水人由景泰甲戌進士成化二十二年以兵侍學士入二十三年以太子少保兵書致仕卒年八十

徐溥字時用直隸宜興人由景泰甲戌及第成化二十三年以吏侍學士入弘治十一年以少師華蓋殿學致仕卒年七十三

劉健字希賢河南洛陽人由天順庚辰進士成化二十三年以少詹學士入正德元年以少師華蓋殿學致仕

卒年九十四

丘濬字仲深廣東瓊山人由景泰甲戌進士弘治四年以太子太保文淵閣學入八年以少保武英殿學卒年七十六

李東陽字賓之湖廣長沙人由天順甲申進士弘治八年以禮侍學士入正德七年以少師華蓋殿學致仕卒年七十

謝遷字于喬浙江餘姚人由成化乙未狀元弘治八年

以詹事學士入正德元年以少傅武英殿學致仕嘉靖六年以謹身殿學復入七年致仕卒年八十二

焦芳字孟陽河南泌陽人由天順甲申進士正德元年以吏書文淵閣學入正德五年以少師華蓋殿學致仕後削官卒年八十二

王鏊字濟之直隸吳縣人由成化甲辰進士正德元年以吏侍學士入四年以少傅武英殿學致仕卒年七十五

楊廷和字介夫四川新都人由成化戊戌進士正德二年以戶書文淵閣學入十年以少師華蓋殿學丁憂十二年復入嘉靖二年致仕卒年七十

劉宇字至大河南鈞州人由成化壬辰進士正德四年以少傳文淵閣學入本年致仕削散官卒年七十

曹元字以貞大寧前衛人由成化乙未進士正德五年以太子少保吏書文淵閣學入本年削官卒

劉忠字司直河南陳留人由成化戊戌進士正德五年

以吏書文淵閣學入六年以少傅武英殿學致仕卒年七十八

梁儲字叔厚廣東南海人由成化戊戌進士正德五年以吏書文淵閣學入十六年以少師華蓋殿學致仕卒年七十七

費宏字子充江西鉛山人由成化丁未狀元正德六年以禮書文淵閣學入九年以太子太保武英殿學致仕十六年復入嘉靖六年以少師華蓋殿學致仕十四年

復入明年卒年六十九

靳貴字克道直隸丹徒人由弘治庚戌及第正德九年
以禮書文淵閣學入十二年以太子太保武英殿學致
仕卒年五十七

楊一清字應寧寓直隸京口雲南安寧人由成化壬辰
進士正德十年以少傅武英殿學入十一年致仕嘉靖
四年復入八年以少師華蓋殿學閒住卒年七十八

蔣冕字升之廣西全州人由成化丁未進士正德十一

年以禮書文淵閣學入嘉靖三年以少傅謹身殿學致仕卒年七十一

毛紀字維之山東掖縣人由成化丁未進士正德十二年以禮書東閣學入嘉靖三年以少保謹身殿學致仕卒年八十二

袁宗臯字仲德湖廣石首人由弘治庚戌進士正德十六年以禮書文淵閣學入嘉靖元年卒年七十

石瑤字邦彥直隸藁城人由成化乙未進士嘉靖二年

以吏書文淵閣學入六年以少保武英殿學致仕卒年六十四

賈詠字鳴和河南臨潁人由弘治丙辰進士嘉靖四年以禮書文淵閣學入六年以少保武英殿學致仕卒年八十三

張孚敬字茂恭初名璉浙江永嘉人由正德辛巳進士嘉靖六年以禮書文淵閣學入八年以少傅謹身殿學放歸尋入十年致仕本年復入十一年以華蓋殿學致

仕十二年復入十四年以少師致仕十六年再起不出卒年六十五

翟鑾字仲鳴山東諸城人由弘治乙丑進士嘉靖六年以吏侍學士入十三年以禮書武英殿學丁憂十八年以太子少保復入二十三年以少傅謹身殿學爲民卒年七十詔復官

桂萼字子實江西安福人由正德辛未進士嘉靖八年以少保武英殿學入九年致仕本年復入再致仕卒年

五十四

李時字宗易直隸任丘人由弘治壬戌進士嘉靖十年以太子太保武英殿學入十七年以少傅華蓋殿學卒年六十九

方獻夫字叔賢廣東南海人由弘治乙丑進士嘉靖十年以太子太保武英殿學入十三年以少保致仕卒年五十九

夏言字公謹江西貴溪人由正德丁丑進士嘉靖十六

年以少傳武英殿學入十九年去尋入二十一年以少師華蓋殿學閒住二十五年復入二十七年下獄秋九月棄市年六十七詔復官

顧鼎臣字九和直隸崑山人由弘治乙丑狀元嘉靖十七年以太子太保文淵閣學入累遷少保武英殿學十九年卒年六十八

嚴嵩字惟中江西分宜人由弘治己丑進士嘉靖二十一年以少保武英殿學入累遷少師華蓋殿學四十一年

年罷尋籍沒卒年八十六

許讚字廷美河南靈寶人由弘治丙辰進士嘉靖二十三年以少保文淵閣學入二十五年以少傅閒住卒年七十六詔復官

張璧字子象湖廣石首人由正德辛未進士嘉靖二十三年以禮書東閣學入二十四年以太子太保卒年七十三

張治字文邦湖廣茶陵人由正德辛巳進士嘉靖二十

八年以禮書文淵閣學入二十九年以太子太保卒年六十一

李本字汝立浙江餘姚人由嘉靖壬辰進士二十八年以少詹學士入四十年以少傅武英殿學丁憂卒年八十四

徐階字子升直隸華亭人由嘉靖癸未及第三十一年以少保東閣學入後改謹身殿爲建極殿四十三年進建極殿學隆慶三年以少師致仕卒年八十一

袁煒字文明浙江慈谿人由嘉靖戊戌及第四十年以太子太保武英殿學入後改謹身殿爲建極殿四十三年進建極殿學四十四年以少傅養病道卒年五十八嚴訥字敏卿直隸常熟人由嘉靖辛丑進士四十四年以太子太保武英殿學入本年以疾乞歸卒年七十四李春芳字子實直隸興化人由嘉靖丁未狀元四十四年以太子太保武英殿學入後改華蓋殿爲中極殿隆慶五年以少師中極殿學致仕卒年七十五

郭朴字質夫河南安陽人由嘉靖乙未進士四十五年以太子太保武英殿學入隆慶元年以少傅致仕今尚在

高拱字肅卿河南新鄭人由嘉靖辛丑進士四十五年以文淵閣學入隆慶元年以少傅武英殿學養病四年復入兼掌吏部六年以少師中極殿學削秩卒年六十七

陳以勤字逸父四川南充人由嘉靖辛丑進士隆慶元

年以文淵閣學入五年以少傅武英殿學致仕卒年七十
五

張居正字叔大湖廣江陵人由嘉靖丁未進士隆慶元
年以東閣學入累遷少師中極殿學加太傅萬曆十年以
太師卒年五十八

趙貞吉字孟靜四川內江人由嘉靖乙未進士隆慶三
年以文淵閣學入四年以太子太保兼都察院致仕卒
年六十八

殷士儋字正甫山東歷城人由嘉靖丁未進士隆慶四年以太子太保武英殿學入五年以少保武英殿學致仕萬曆十年卒年六十

高儀字子象浙江仁和人由嘉靖辛丑進士隆慶六年以太子少保文淵閣學入本年卒年五十六

呂調陽字和卿廣西臨桂人由嘉靖庚戌及第隆慶六年以文淵閣學入萬曆六年以少傅建極殿學致仕八年卒年六十五

張四維字子維山西蒲州人由嘉靖癸丑進士萬厯三年以東閣學入十一年以少師中極殿學丁憂卒年六十馬自強字體乾陝西同州人由嘉靖癸丑進士萬厯六年以太子太保文淵閣學入本年卒年六十六

申時行字汝默直隸長洲人由嘉靖壬戌狀元萬厯六年以吏侍東閣學入今爲少師中極殿學

余有丁字丙仲浙江鄞縣人由嘉靖壬戌及第萬厯十年以禮書文淵閣學入以少傅建極殿學卒年五十八

許國字維楨直隸歙縣人由嘉靖乙丑進士萬厯十一年以禮書東閣學入今爲少傅建極殿學

王錫爵字元馭直隸太倉人由嘉靖壬戌及第萬厯十二年以禮書文淵閣學入進太子少傅武英殿學再進太子太保

王家屏字忠伯山西山陰人由隆慶戊辰進士萬厯十二年以吏左侍東閣學入丁憂十六年十二月以禮書東閣復入

華蓋殿大學士嘉靖四十一年改中樞殿

以伯兼者徐有貞

以吏部尚書兼者李賢萬安劉吉徐溥劉健李東陽焦
芳楊廷和梁儲費宏楊一清張孚敬李時夏言嚴嵩中
極李春芳高拱張居正張四維申時行

以戶部尚書兼者陳循

以禮部尚書兼者張瑛

以兵部尚書兼者楊士奇徐有貞

以禮部左侍郎兼者楊士奇張瑛

兼文淵閣大學士者陳循

無兼官劉仲質邵質

謹身殿大學士嘉靖四十年改建極殿

以吏部尚書兼者王文商輅萬安劉吉焦芳楊廷和梁
儲蔣冕毛紀費宏楊一清張孚敬李時嚴嵩建極徐階
李春芳高拱張居正呂調陽張四維申時行許國

以戶部尚書兼者陳山商輅劉珝劉吉徐溥劉健李東

陽將冕謝遷建極袁煒申時行余有丁

以禮部尚書兼者翟鑾建極許國

以工部尚書兼者楊榮高穀

兼東閣大學士者高穀王文

文華殿大學士

全思誠鮑恂余銓張長年權謹

俱未預閣務

武英殿大學士

以吏部尚書兼者焦芳楊廷和梁儲劉忠楊一清石琚

桂萼李時方獻夫徐階嚴訥李春芳郭朴高拱陳以勤
以戶部尚書兼者黃淮金幼孜丘濬王鏊蔣冕毛紀費
宏袁煒呂調陽申時行余有丁許國

以禮部尚書兼者楊漣劉吉徐漣劉健謝遷費宏靳貴
李時翟鑾夏言顧鼎臣嚴嵩徐階李本李春芳高拱陳
以勤張居正殷士儋呂調陽張四維潘晟王錫爵
以戶部右侍郎兼者金幼孜

以通政使兼者黃淮

無兼官吳伯宗

文淵閣大學士

以華蓋殿大學士兼者陳循

以吏部尚書兼者彭時焦芳劉宇曹元梁儲劉忠石珤
許讚

以戶部尚書兼者陳循陳文商輅萬安劉珣王鏊楊廷
和

以禮部尚書兼者陳文劉吉徐溥劉健丘濬李東陽費

宏斬貴蔣冕毛紀袁宗臯翟鑾顧鼎臣張治李本高拱
陳以勤趙貞吉高儀呂調陽張四維申時行余有丁許
國王錫爵

以太常卿兼者楊榮

兼學士者胡廣楊榮金幼孜

無兼官者朱善宋訥

東閣大學士

以謹身殿大學士兼者高穀王文

以吏部尚書兼者王文

以禮部尚書兼者毛紀張璧李本徐階張四維許國王
家屏

以兵部尚書兼者謝遷

以工部尚書兼者高穀

以吏部右侍郎兼者李本

以吏部左侍郎兼者張居正申時行王家屏

入內閣終不得爲殿閣大學士者解縉

止爲坊學

胡儼馬愉

曹鼎苗袁張益王一寧江淵蕭鉉許彬薛瑄呂原岳正
劉定之彭華尹直

殿閣大學士未預閣務者

劉仲質江西分宜人洪武初薦舉十五年自禮書任華
蓋殿大學士本年降御史

邵質

闕

吳伯宗江西金谿人洪武辛亥狀元十五年任武英殿
大學士十六年降檢討

宋訥直隸滑縣人洪武中薦舉十五年任文淵閣大學士遷國子祭酒

朱善江西豐城人元至正癸卯進士洪武中薦舉十五年任文淵閣大學士本年引疾歸

吳沈浙江金華人故元國子博士洪武中薦舉十五年任東閣大學士本年降侍書

鮑恂浙江崇德人洪武中薦舉十六年拜文華殿大學士未任辭

全思誠直隸上海人洪武中薦舉十六年拜文華殿大學士未任辭

余銓浙江安吉人洪武中薦舉十六年拜文華殿大學士未任辭

張長年直隸高郵人洪武中薦舉十六年拜文華殿大學士未任辭

殿閣大學士不預閣務者

陳山見前宣德四年出教內豎

張瑛見前宣德四年丁憂服除掌南禮部

權謹直隸徐州人永樂中舉孝行洪熙元年自光祿署
丞拜文華殿大學士本年改通政司左叅議致仕

初在內閣不以首次輕重弘正以後居首者始秉筆
地望與次相懸絕矣今列於後

解縉

凡五

胡廣

凡十

楊榮

凡六

楊士奇

凡二十

楊溥

凡四

曹鼐

凡二

陳循

凡八

徐有貞

年半

李賢

凡十

陳文

一年

彭時

凡八

商輅

凡四

萬安

凡十

劉吉

凡六

徐溥

凡七年

劉健

凡九年

李東陽

凡七年

楊廷和

前三年後七年

梁儲

凡三年

蔣冕

凡三年

毛紀

凡三年

費宏

前三年後二月

楊一清

凡三年

張孚敬

前後共六年

李時

凡四年

夏言

前五年後二年

翟鑒

凡三年

嚴嵩

前三年後十五年

徐階

凡七年

李春芳

凡四年

高拱

凡三年

張居正

凡十一年

張四維

凡一年

申時行

見任

宣德中詔少師吏部尚書蹇義少保太子太傅戶部尚

書夏原吉輟部事朝夕侍左右顧問賜珊瑚筆格玉硯

調旨然不與閣臣職

景泰初贈侍郎曹鼎少傅文淵閣大學士

嘉靖初贈興府左長史張景明爲太子少保禮部尚書
文淵閣大學士

嘉靖六年少保禮部尚書席書以疾乞休進兼武英殿
大學士致仕居京師給全祿尋卒

萬厯十年起用太子太保禮部尚書致仕潘晟兼武英
殿大學士中途准以新銜致仕尋削

內閣臣不由甲第者

楊文貞以薦辟胡若思陳汝靜張子玉以鄉舉其初不由翰林者黃文簡以中書舍人文貞以審理副胡若思以桐城知縣金文敏以給事中俞綱以審理正王毅愍薛文清俱以御史李文達以吏部主事劉宇曹元俱以知縣袁榮襄以長史張文忠以南刑部主事桂文襄以知縣方文襄以禮部主事夏文愍以行人其入閣之先不帶翰林銜者王毅愍以左都御史江世用以刑部左侍郎俞綱以兵部右侍郎徐元玉以左副都御史許道

中以太常卿薛文清以大理卿尹文和以兵部左侍郎
焦孟陽以吏部尚書王文恪以右侍郎楊文忠以南京
戶部尚書劉至大以吏部尚書曹以貞以兵部尚書楊
文襄許文簡俱以吏部尚書入若毅愍文清文襄以貞
終始不由翰林尤爲特異俞綱劉至大僅一履任而已
解大紳出爲廣西右叅議張子玉出理南部猶帶殿銜
俞綱出佐兵部以南禮部終江世用出爲工部尚書許
道中出爲陝西叅政以南禮侍致仕徐元玉出爲福建


叅政尋就逮戊岳文肅出爲欽州同知戊以興化知府致仕自岳後無下遷者矣

按內閣臣職在司內外制而已未有所謂調旨也自宣德中大學士二楊公與尚書蹇夏始有調旨之說而二楊公復以位尊惡煩特奏以少詹事兼講讀學士曾榮王直王英兼知誥勅然內閣實總之後榮卒直英遷禮部侍郎仍司內制直出理部事遷吏書英出理部事而以侍講學士陳循馬愉侍講曹鼐代之

尋革併入內閣弘治甲寅復奏以學士李東陽兼禮部右侍郎掌誥勅說者以爲爲李公入閣地也李入閣太常卿程敏政代敏政以禮侍致仕禮侍傅瀚代瀚遷尚書吏侍吳寬代以尚書卒太常卿張元禎代元禎以吏侍卒詹事楊廷和代廷和改南京戶部左侍郎吏部尚書梁儲代儲改南京吏部尚書劉忠代忠入閣禮部尚書白鉞代鉞卒吏部侍郎靳貴代貴以禮書入閣吏部侍郎蔣冕代冕遷禮書入閣禮部

尚書毛紀代紀入閣禮部尚書劉春代春卒禮部尚書李遜學代遜學卒吏部尚書石琚代琚入閣吏部侍郎賈詠代詠入閣禮部尚書吳一鵬代鵬出理部事吏部侍郎溫仁和代以憂歸自是大學士張桂等密疏不宜設而旨罷矣按東閣在左順門廊接吏館雖有大學士官其職在文淵閣而司誥勅官多坐東閣爲侍從之長故總謂之閣老然非參預政務非真相也嘉靖末內閣以其兩制官不文始奏設翰林講

讀史官分掌外制而武官誥勅仍用其屬之能文者
理之若詔赦勅草之類仍用閣臣翰林諸臣不得與



弁山堂別集卷四十五

欽定四庫全書

史部

弇山堂別集卷四十六

詳校官編修_臣李潢

編修_臣裴謙勛

總校官中書_臣朱鈐

校對官中書_臣李棨

謄錄監生_臣陳元熙

欽定四庫全書

弇山堂別集卷四十六

明 王世貞 撰

翰林諸學士表

學士非古官其職初散寓於中秘諸省至唐文皇開天
策府而始有學士之目武后中復置北門學士間以親
暱充之如漢鴻都而加重其後至德宗朝始定設學士
繫銜於翰林與中書舍人對掌內外制然無定品往往

寄祿於他官其資重者至散騎諫議而淺者僅拾遺參
軍尚不能與舍人埒獨其長一人最貴曰承旨往往竟
拜宰相其次亦不失三司觀察卿監至宋一切因之而
益加重然不爲定品如故元豐制行自是稍稍有恒秩
元之初興定學士承旨正三品學士以下遞降有差其
後進承旨爲從一品視中書平章政事學士視左右丞
高帝初下江南庶事草創有所聘擢僅寓名以備顧問
而已吳元年五月始置院學士正三品侍講讀學士正

四品直學士正五品修撰典簿正七品編修正八品洪武二年正月定學士承旨正三品學士從三品侍講學士正四品侍讀學士從四品直學士正五品典簿正七品待制從五品修撰正六品應奉正七品編修正八品典籍從八品九年閏九月詔承旨與六部尚書同然班在其上十四年罷承旨直學士待制應奉檢閱典簿十八年三月始定置學士一人正五品侍讀學士侍講學士各二人從五品孔目爲首領一人未入流侍讀侍講

各二人正六品五經博士五人正八品典簿二人從八品侍書二人正九品待詔六人從九品皆稱屬又修撰三人從六品編修四人正七品檢討四人從七品別爲史官亦係屬焉是歲侍讀始列侍講前建文初大有所更置然於職事無損益永樂初仍高帝舊尋擢史官解縉而下七人入內閣預機密典綸縉然自學士王景卒解縉胡廣楊榮輩猶相繼領院篆洪熙之歲大學士士奇等驟遷至三孤踞六曹上遂不復領院矣第文淵內

署與諸曹異文移往復猶以翰林行之今雖稍稍變革而猶有一二存者如史成焚草中貴傳旨猶傳大學士爲翰林學士翰林公署中左設大學士三座學士一座而講讀學士東西對列是也學士秩雖卑而職與內閣通故係其名氏於後

學士承旨

詹同直隸婺源人爲僞漢學士承旨以薦辟洪武六年自侍讀學士陞兼吏部尚書尋專任承旨七年致仕

宋濂浙江浦江人洪武九年陞十年致仕十三年謫茂州

學士

陶安直隸當塗人元末歸附吳元年任洪武元年陞江西行省叅政

朱升直隸休寧人國初薦舉洪武元年任三年致仕
宋濂見前洪武二年任尋降編修

熊鼎江西臨川人國初歸附洪武四年任陞晉王傅後

降岐寧衛經歷死難

已前承旨正三品學士從三品

宋訥直隸滑縣人洪武十五年任後爲國子祭酒卒

劉三吾湖廣茶陵人洪武初薦舉十八年任三十年下獄賜死

李遜直隸景州人由鄉舉洪武二十二年任

董倫順天宛平人由薦舉洪武三十一年以禮部左侍郎兼任建文四年致仕

王景浙江松陽人由薦舉建文元年以禮部右侍郎兼

任四年文皇即位命專爲學士六年卒官

解縉詳內閣永樂二年以學士兼左春坊大學士兼掌院

胡廣詳內閣永樂五年以學士兼左春坊大學士九年以文淵閣大學士兼學士

楊榮見內閣永樂十四年以學士兼掌院尋以文淵閣大學士兼任

楊士奇見內閣永樂中以學士兼左諭德十七年專爲

左坊學

金幼孜見內閣永樂中以學士兼左諭德尋以文淵閣學兼任

楊溥詳內閣洪熙元年任宣德中陞太常卿入內閣改署弘文閣尋進禮書復入閣仍兼任

沈度直隸華亭人以善書舉宣德元年任九年卒

李時勉江西安福人由進士正統三年任陞國子監祭

酒

錢習禮江西吉水人由進士正統五年任十年陞禮部
右侍郎

陳循詳內閣正統七年任八年入閣十年陞戶右侍十
四年陞戶書仍兼任

曹鼐詳內閣正統八年繇侍講入閣陞任十年陞吏左
侍仍兼任

苗衷詳內閣正統十四年以兵書兼任

高穀詳內閣正統十四年以兵書兼任

蘭從善河南磁州人由鄉舉正統十年任景泰三年致仕

商輅詳內閣景泰元年任四年以兵左侍兼任七年罷成化三年召復職

江淵詳內閣景泰元年以刑侍兼任改吏左侍四年出爲工部尚書

王一寧詳內閣景泰二年以禮左侍兼任三年卒

蕭鎡詳內閣景泰三年以戶右侍兼任進戶書仍兼任

天順元年戊

王文詳內閣景泰四年以吏書兼任七年進兼謹身殿學

徐有貞詳內閣天順元年以兵書兼任數日進兼華蓋殿學

許彬詳內閣天順元年以禮侍兼任本年出爲陝西叅政

薛瑄詳內閣天順元年以禮侍兼任本年致仕

李賢詳內閣天順元年以吏書兼任八年進華蓋殿學
呂原詳內閣天順元年以通叅改任六年卒

倪謙直隸上元人由進士及第天順元年任三年成成
化元年起改掌南院事

李紹江西吉水人由進士天順元年任五年陞禮部右
侍郎

林文福建莆田人由進士及第天順元年任八年陞太
常少卿

黃諫陝西蘭州人由進士天順元年任四年謫廣州府通判

彭時見內閣天順二年以太常少卿魚任進吏右侍兵書仍魚任成化三年進文淵閣學

陳文見內閣天順七年以禮右侍魚任進吏右侍禮書仍魚任成化三年進文淵閣學

柯潛福建莆田人由狀元及第天順八年任成化三年進少詹事仍魚任

萬安見內閣天順八年任成化三年進少詹再進禮吏
左侍戶書俱兼任

吳節江西安福人由進士成化三年以太常卿兼任

劉琬詳內閣成化十一年以吏左侍兼任尋進戶書仍
兼任

劉吉詳內閣成化十一年以禮左侍兼任進禮書仍兼
任

王俱直隸武進人由進士及第成化元年任南京翰林

院學士

王獻浙江仁和人由進士成化八年任

彭華詳內閣成化十三年任二十年以詹事二十一年
以吏左侍俱兼任

丘濬詳內閣成化十三年任十六年遷國子祭酒

謝一夔江西新建人由狀元及第成化十三年任遷禮
右侍

徐溥詳內閣成化十六年以太常卿兼任遷禮吏左侍

郎仍兼任

劉健詳內閣成化二十三年以禮右侍兼任弘治四年
進文淵閣學

倪岳謙之子成化十八年任遷禮右侍

程敏政直隸休寧人由進士及第弘治十一年以禮右
侍兼任

吳寬直隸長洲人弘治十三年以吏左侍兼任進禮書
仍兼任

梁儲詳內閣弘治十三年任進吏書仍兼任

王華浙江餘姚人由狀元及第弘治十四年任遷禮侍
江瀾浙江仁和人由進士弘治十五年任

武衛山東沂水人由進士弘治十五年任閒住

張芮山西安邑人由進士弘治十五年任謫鎮江府同
知終南太常卿

張元禎江西南昌人由進士弘治十五年任遷太常卿
吏左侍仍兼任

劉忠詳內閣弘治十八年任累遷吏書仍兼任

楊廷和詳內閣正德元年以詹事兼任

王鏊詳內閣正德元年以吏左侍兼任尋進文淵閣學
白鉞直隸南宮人由進士及第正德元年任遷吏左侍
禮書俱兼任

毛紀詳內閣正德四年任

靳貴詳內閣正德四年以吏右侍兼任遷禮書仍兼任
傅珪直隸清苑人由進士正德六年任遷吏右侍

毛澄直隸太倉人由狀元及第正德六年任遷吏右侍
蔣冕見內閣正德十二年以禮書兼任

李遜學河南上蔡人由進士正德十三年以禮書兼任
尋卒

劉春四川巴縣人由進士及第正德十六年以禮書兼
任尋卒

石瑄見內閣正德十六年以吏書兼任尋進文淵閣學
賈詠見內閣嘉靖三年以吏左侍兼任尋進文淵閣學

張璉見內閣嘉靖三年任遷詹事兵左侍仍兼任

桂萼見內閣嘉靖三年任遷詹事吏左侍仍兼任

翟鑾見內閣嘉靖四年任遷禮右侍

顧鼎臣見內閣嘉靖六年任遷詹事禮右侍吏左侍禮

書俱仍兼任

霍韜廣東南海人由進士嘉靖六年以詹事兼任遷尚

書仍兼任

夏言見內閣嘉靖十年以禮左侍兼任遷禮書仍兼任

席春四川遂寧人由進士嘉靖十年任遷吏右侍

張潮四川內江人由進士嘉靖十年任遷少詹事及後以吏左侍禮書仍兼任

嚴嵩詳內閣嘉靖十五年以禮書兼任

溫仁和四川華陽人由進士嘉靖十五年以吏左侍兼任進禮書仍兼任

張邦奇浙江鄞縣人由進士嘉靖十六年以吏左侍兼任遷禮書仍兼任

張治湖廣茶陵人由進士嘉靖十七年任兼右諭德後復以吏左侍兼任

陸深直隸上海人由進士嘉靖十八年以詹事兼任

李廷相山東濮州人由進士及第嘉靖十八年以戶書兼任

張璧見內閣嘉靖二十一年以禮書兼任

費宋江西鉛山人由進士嘉靖二十一年以禮左侍兼任進禮書仍兼任

孫承恩直隸華亭人由進士嘉靖二十四年以吏左侍
兼任遷尚書仍兼任

徐階見內閣嘉靖二十七年以吏左侍兼任進禮書仍
兼任

歐陽德江西泰和人由進士嘉靖二十七年以禮左侍
兼任遷吏左侍禮書仍兼任

程文德浙江永康人由進士及第嘉靖三十年以吏左
侍兼任尋奪職

閔如霖浙江烏程人嘉靖三十二年以禮左侍任遷吏左侍仍兼任

李默福建甌寧人由進士嘉靖三十三年以吏書兼任下獄

王用賓陝西咸寧人由進士嘉靖三十三年以禮書兼任改南京吏部仍兼任

吳山江西高安人嘉靖三十五年以禮書兼任

嚴訥見內閣嘉靖三十五年任遷太常少卿禮吏部左

右侍郎禮吏部尚書俱仍兼任

李春芳詳內閣嘉靖三十五年任遷太常少卿禮吏部
左右侍郎禮書俱仍兼任

董份浙江烏程人嘉靖三十六年遷太常少卿禮吏左
右侍郎工禮部尚書俱仍兼任

郭朴詳內閣嘉靖三十九年以禮書兼任改吏部

袁煒詳內閣嘉靖四十年以禮書兼任

高拱詳內閣嘉靖四十二年以吏左侍郎兼任遷尚書

仍兼任

秦鳴雷浙江臨海人狀元及第嘉靖四十四年以吏左侍兼任尋罷歸

高儀見內閣嘉靖四十五年以禮書兼任

陳以勤見內閣嘉靖四十五年以吏左侍兼任

趙貞吉見內閣隆慶元年以吏左侍兼任後遷禮書仍兼任

潘晟浙江新昌人進士及第隆慶元年以吏左侍兼任

陞禮書仍兼任

殷士儋見內閣隆慶三年以禮書兼任

張四維見內閣隆慶四年任遷吏左侍仍兼任

馬自強見內閣隆慶五年以少詹兼任遷吏左侍禮書

仍兼任

呂調陽見內閣隆慶五年以吏左侍兼任遷禮書仍兼

任

陸樹聲直隸華亭人隆慶六年以禮書兼任

汪鏜浙江鄞縣人萬厯二年以禮左侍兼任歷吏左侍
禮書俱仍原兼

余有丁見內閣以吏左侍兼任

許國見內閣以吏左侍兼任

陳經邦福建莆田人由進士萬厯十一年以禮書兼任

沈鯉河南歸德人由進士萬厯十二年以禮書兼任

朱賡浙江山陰人由進士萬厯十六年任

于慎行山東東阿人由進士十七年任

講讀學士表

潘庭堅直隸當塗人元末歸附壬寅任講學

朱升見前吳元年任讀學

危素江西臨川人故元承旨歸附洪武元年任讀學三

年改弘文館

王時元學士歸附洪武元年任講學

張以寧福建古田人故元郎中歸附洪武元年任讀學

使安南道卒

詹同見前洪武二年任讀學

宋濂見前洪武四年任講學兼太子贊善大夫

魏觀湖廣蒲圻人由薦舉洪武二年任講學

樂韶鳳直隸全椒人由兵書洪武六年改講學

李紳山西壺關人由薦舉洪武十五年任講學遷浙江

右布政使

葛鈞河南洛陽人由明經洪武二十年任講學謫國子

助教

高巽志直隸蕭縣人由薦舉洪武三十一年任講學遷太常少卿

方孝孺浙江寧海人由薦舉建文二年任文學博士

即講

讀也死難

王達直隸無錫人由薦舉永樂元年任講學三年卒解縉見前永樂元年任讀學

黃淮見內閣洪武三年以右坊學兼講學

武周文直隸宛平人永樂四年召爲講學即放歸

沈度見前永樂十五年任講學

曾榮江西永豐人狀元及第永樂十六年任讀學遷左坊學少詹俱仍兼任

陳詔福建長樂人進士及第永樂十九年以講學領南院

王直江西泰和人由進士永樂二十二年任左庶子讀學歷少詹禮左侍俱仍兼職

王英江西金谿人由進士永樂二十二年任右坊學兼

講學歷少詹禮左侍俱仍兼職

金問直隸吳縣人由薦舉洪熙元年任講學遷南禮侍
蔣驥浙江錢塘人由進士宣德五年任講學遷禮右侍
李時勉見前宣德五年任讀學

錢習禮見前宣德五年任讀學

陳循見前宣德五年任讀學

苗衷見前正統三年任讀學

高穀見前正統三年任講學

馬愉見內閣正統三年任講學

曾鶴齡江西泰和人狀元及第正統三年以講學領南

院

蘭從善見前正統三年任講學

陳詢南直隸華亭人進士及第正統十三年任講學進
太常少卿仍兼任

周叙江西吉水人由進士正統十三年以講學領南院

尋召還

呂原見前景泰三年任讀學兼左中允

倪謙見前景泰三年任講學兼右中允

邢寬直隸無爲人狀元及第景泰三年以講學領南院
錢溥直隸華亭人天順元年任讀學外謫成化九年起
掌南院

林文見前天順八年以太常少卿兼講學

吳節見前成化元年以太常少卿兼讀學

李泰直隸香河人成化元年任讀學遷少詹事詹事俱

仍兼任

劉珥見前成化三年以太常卿兼讀學

劉吉見前成化三年任講學

周洪謨四川長寧人進士及第成化三年任讀學遷祭

酒

陳鑑直隸長洲人進士及第成化三年任讀學遷祭酒

丘濬見前成化三年任講學

孫賢河南杞縣人狀元及第成化六年以太常卿兼讀

學尋致仕卒

楊守陳浙江鄞縣人成化八年任講學遷少詹事仍兼任

彭華見前成化八年任讀學

尹直見內閣成化八年任講學遷禮右侍

徐瓊浙江金華人進士及第成化十二年以講學領南院

江朝宗四川巴縣人由進士成化十三年任讀學

徐溥見前成化十闕年以少詹兼讀學

王獻見前成化十闕年以少詹兼講學遷太常仍兼任

李永通四川長寧人進士及第成化十八年任講學

焦芳見內閣成化十九年任讀學降桂陽州同知

李傑直隸常熟人由進士成化二十一年任講學弘治
十一年復以太常少卿兼任

李東陽見內閣成化二十一年任講學歷左庶子太常
少卿禮右侍俱仍兼任

傅瀚江西新喻人由進士弘治四年以太常卿兼任

吳希賢福建莆田人由進士成化二十三年任南院讀
學

程敏政見前成化二十三年以少詹事兼講學歷太常
卿詹事俱兼任

汪諧江西弋陽人由進士成化二十三年以少詹事兼
讀學歷禮部右侍郎仍兼任

張元楨見前弘治三年以講學領南院尋召還

陸簡直隸武進人由進士及第弘治四年以少詹事兼
讀學陞詹事仍故任

曾彥江西泰和人狀元及第弘治七年以講學署南院
尋致仕

楊守阯浙江鄞縣人進士及第弘治八年任講學

劉機見前弘治十三年任講學

馬廷用四川南充人由進士弘治十一年以講學領南
院

張潔廣西全州人由進士弘治十三年任講學

江瀾見前弘治十三年任講學

武衛見前弘治十三年任講學

張芮見前弘治十三年任講學

吳儼直隸宜興人由進士弘治十五年以講學領南院

劉忠見前弘治十六年任讀學

劉春見前弘治十六年任講學

石瑄見內閣正德元年任南院講學

毛紀見前正德四年任讀學

傅珪見前正德四年任講學

蔣冕見內閣正德四年任讀學遷少詹仍兼任

毛澄見前正德五年任講學

徐穆江西吉水人由進士正德六年陞讀學命下而卒
顧清直隸華亭人由進士正德七年任讀學

吳一鵬見前正德七年任讀學

陳霽直隸吳縣人由進士正德九年任南院讀學二年

改北

賈詠河南臨潁人由進士正德九年任南院讀學

朱希周直隸崑山人狀元及第正德十一年任讀學

汪俊江西弋陽人由進士正德十一年任讀學

黃瀾福建莆田人由進士正德十二年任南院讀學

劉龍山西襄垣人由進士及第正德十二年任講學後

改讀學

李廷相山東濮州人由進士及第正德十五年任講學

豐熙浙江鄞縣人進士及第嘉靖元年任講學署院謫
戍

溫仁和見前嘉靖三年任侍讀學士

李時見內閣嘉靖三年任讀學

董圯浙江會稽人進士嘉靖三年任讀學陞詹事仍兼
職

方獻夫見前嘉靖三年任讀學歷少詹禮左右侍俱仍
兼職

霍韜見前嘉靖三年任陞少詹事仍兼職

穆孔暉山東堂邑人嘉靖四年以左庶子兼講學改尚

寶卿

徐縉直隸吳縣人嘉靖五年任讀學遷少詹事仍兼職

張璧見前嘉靖五年任讀學後遷太常卿仍兼職

許誥河南靈寶人嘉靖七年任講學

席春見前嘉靖七年任講學

張潮見前嘉靖七年任講學

許成名山東聊城人由進士嘉靖七年任讀學後爲禮
左侍

吳惠浙江鄞縣人由進士嘉靖十一年任讀學後爲太
常卿

郭維藩河南儀封人由進士嘉靖十一年任讀學遷太
常少卿仍兼職

蔡昂直隸淮安人進士及第嘉靖十一年任講學謫湖
州通判召還歷禮部左右侍郎仍兼職

廖道南湖廣蒲圻人由進士嘉靖十一年任講學謫徽州通判召還後丁憂奪職

孫承恩見前嘉靖十六年以侍讀學士領南院歷少詹事禮部左右侍郎俱仍原職

陸深見前嘉靖十六年以太常卿兼讀學

姚涖浙江慈谿人狀元及第嘉靖十六年任講學尋卒張襄直隸江陰人由進士嘉靖二十年任讀學遷太常

卿祭酒

華察直隸無錫人由進士嘉靖二十二年任南院讀學
尋謫外

江汝璧江西貴溪人由進士嘉靖二十三年以少詹兼
任讀學尋奪職

閔如霖見前嘉靖二十八年任講學

吳山見前嘉靖二十八年以左庶子兼讀學遷太常卿
兼祭酒

敖銑江西高安人嘉靖三十一年任講學遷太常卿兼

祭酒

郭朴見內閣嘉靖三十二年以左庶子兼講學遷禮吏
侍仍原兼

康太和福建莆田人嘉靖三十二年以左庶子兼讀學
茅瓚浙江仁和人狀元及第嘉靖三十三年以禮侍兼
讀學

尹臺江西永新人由進士嘉靖三十四年以少詹兼任
講學

袁煒見前嘉靖三十四年任侍講學士歷禮吏左右侍郎俱仍原兼

全元立浙江鄞縣人由進士嘉靖三十四年任南院講學

秦鳴雷見前嘉靖三十八年任讀學

高拱見前嘉靖三十八年任講學

陳陞浙江餘姚人由進士嘉靖三十八年任讀學

高儀見前嘉靖三十八年以講學領南院

欽定四庫全書

卷四十六

二十六

裴宇山西澤州人由進士嘉靖四十一年任讀學

瞿景淳直隸常熟人嘉靖四十一年任讀學隆慶元年以禮左侍仍原兼

陳以勤見前嘉靖四十二年任讀學

胡正蒙浙江餘姚人進士及第嘉靖四十三年任讀學遷太常卿兼祭酒

王大任陝西保安人由進士以御史超任講學後削籍姜儆江西南昌人由進士以御史超任講學丁憂削籍

張居正見內閣嘉靖四十五年任讀學

殷士儋見內閣隆慶元年任讀學

諸大綬浙江山陰人狀元及第隆慶元年任讀學歷禮
吏二部仍原兼

丁士美直隸清河人狀元及第隆慶四年任讀學歷禮
吏二部左侍俱仍原兼

陶大臨浙江會稽人進士及第隆慶六年以詹事兼讀
學歷禮吏部仍原兼

王希烈江西南昌人由進士以吏左侍兼讀學

申時行見內閣萬厯元年以少詹事兼讀學歷詹事禮
右吏左右侍俱仍原兼

王錫爵直隸太倉人進士及第萬厯元年任讀學後遷
少詹事禮右侍俱仍原兼

姚洪謨浙江秀水人由進士萬厯三年以禮右侍兼讀
學遷吏右左侍俱仍原兼

呂旻福建尤溪人由進士萬厯闕年以禮右侍兼讀學

尋卒

何洛文河南信陽人由進士萬厯

闕

年任讀學歷禮右

左侍俱仍原兼

許國直隸歙縣人由進士萬厯

闕

年以禮右侍郎兼讀

學

陳思育湖廣武陵人由進士萬厯

闕

年以少詹兼讀學

歷禮右左侍仍原兼尋削籍

余有丁見前萬厯六年以少詹兼讀學歷禮吏右左侍

俱仍原兼

陳經邦福建莆田人由進士萬歷十年任讀學歷禮吏
右侍皆仍原兼

周子義直隸無錫人由進士萬歷十一年以禮右侍兼
讀學遷左侍仍原兼

沈鯉河南歸德人由進士萬歷十年任讀學十一年
歷禮吏右侍皆仍原兼

高啓愚四川銅梁人由進士萬歷十一年以禮右侍兼

讀學

朱賡浙江山陰人由進士萬曆十一年以左庶子兼讀學進禮吏右左侍郎仍兼

沈一貫浙江鄞縣人由進士以少詹事兼讀學進禮吏左右侍郎仍原兼

王家屏山西山陰人由進士以吏禮右侍郎兼讀學

張位江西南昌人由進士以少詹事禮右侍郎兼讀學

王弘誨廣東定安人由進士以禮部右左侍郎吏左侍

兼讀學

于慎行山東東阿人由進士以禮部右左侍郎兼讀學
徐顯卿直隸長洲人由進士以少詹事詹事吏禮右侍
郎兼讀學

趙志臯浙江蘭溪人由進士及第以少詹事兼讀學
田一鵠福建大田人由進士以禮左右侍兼讀學
李長春四川富順人由進士以禮左右侍兼讀學
黃鳳翔福建晉江人由進士以禮右侍兼讀學

劉虞夔山西高平人由進士以詹事兼讀學

黃洪憲嘉興守禦千戶所人由進士以少詹事兼讀學

陳于陞四川南充人由進士加讀學進詹事仍兼

余孟麟南京籍由進士及第以讀學掌南院

弘文館學士

劉基詳御史中丞洪武三年任尋封誠意伯

羅復仁江西吉水人國初歸附洪武三年任本年致仕

危素江西金谿人故元學士承旨洪武三年任本年謫

和州

胡鉉洪武初薦舉三年任六年致仕

睢稼洪武初薦舉歷中書省參政三年任尋致仕

王大中洪武初薦舉三年任本年致仕

中書省表

自周六官廢而秦及列國皆設丞相其重者曰相國掌
丞天子佐理萬幾漢設一丞相以御史大夫副之後改
曰大司徒而東漢因之司空而權移於尚書令僕自晉

以至宋其省或尚書門下中書其長或令或監或僕射其佐或參知政事或左右丞或侍郎要皆爲人主理庶務無所不統攝蓋真爲相而名避之三公爲貴官以加其資望之重者而南渡以後至孝宗而正其名曰左右丞相其佐仍曰參知政事元因之置中書省令一員正一品以皇太子爲之左右丞相品同令平章政事從一品左右丞正二品參知政事從二品參議正四品高帝定江左以至即大位仍置中書省罷令不設餘俱如故

洪武三年革平章政事食祿者不在革十三年以丞相胡惟庸專僭誅之因罷中書省散其柄於六尚書而係之甲令曰後有請立丞相者文武羣臣劾奏其人凌遲處死嗚呼聖矣百餘年來天子不能獨斷必有所寄不能不歸之內閣而至嘉靖中遂操丞相之柄而出其上萬厯初遂並人主之尊而兼其詳勢重矣是不可不變而通也作中書省表

中書省左右丞相

李善長直隸定遠人吳元年拜右相國改左洪武元年
拜左丞相四年致仕尋復起掌省事復致仕以嫌死年
七十七

徐達直隸鳳陽人吳元年拜左相國改右洪武元年拜
右丞相四年爲大將軍不與省事十八年卒年五十四
汪廣洋直隸高郵人洪武三年拜右丞四年陞右丞相
六年謫廣東參政歷左御史大夫十年復拜右丞相十
二年謫海南賜死

胡惟庸直隸定遠人洪武四年拜左丞六年陞右丞相九年爲左丞相十三年伏法

平章政事

常遇春直隸懷遠人拜平章政事吳元年進平章軍國重事洪武二年卒

俞通海直隸鳳縣人渡江拜平章政事卒

湯和直隸鳳陽人吳元年改御史大夫

廖永忠直隸巢縣人吳元年拜平章政事洪武三年封

德慶侯九年卒

胡美湖廣沔陽人吳元年拜平章政事洪武三年封豫章侯後卒于家已上不通署省事

李伯昇直隸泰州人洪武元年拜平章政事三年食祿不署事

李思齊河南羅山人洪武三年拜平章政事食祿不署事

左右丞

湯和見平章任左丞

王溥江西安仁人吳元年任右丞洪武元年兼副詹事

三年食祿不署事

方國珍吳元年拜右丞食祿不署事

吳宏江西餘干人吳元年任左丞尋遷指揮使

趙庸直隸合肥人吳元年任右丞洪武三年封南雄侯

楊憲應天上元人洪武二年任左丞三年伏法

汪廣洋詳丞相洪武三年任右丞

胡惟庸詳丞相洪武四年任左丞

殷哲山東膠州人洪武初貢士十二年任左丞本年致仕

參知政事

李善長詳左丞相

趙庸詳右丞

張昺順天宛平人元末歸附吳元年任尋伏法

蔡哲湖廣武昌人元末歸附吳元年任洪武元年調福

建參政歷侍御史免官

楊憲詳左丞吳元年任

傅瓛不知何處人吳元年任洪武元年兼詹事府丞

汪廣洋詳丞相洪武元年任

睢稼不知何處人元末舉文學洪武二年任三年改弘

文館學士

胡惟庸詳丞相洪武三年任

丁玉不知何處人元末入仕洪武六年任九年陞御史

大夫

陳寧湖廣茶陵人元末府掾洪武二年任詳御史大夫
馮冕河南孟縣人洪武初舉儒士六年任九年改刑部
尚書

參議

李善長見前

毛國器

四輔官表

王本不知何處人洪武十三年任春官兼太子賓客本年極刑

杜祐山西安邑人洪武中舉耆儒十三年任春官兼太子賓客本年致仕

龔敷江西鉛山人洪武初以明經耆儒薦歷國子祭酒十三年任春官兼太子賓客本年引疾

杜敷山西壺關人洪武中舉耆儒十三年任夏官兼太子賓客本年致仕


趙民望直隸藁城人洪武初以儒士舉十三年任夏官
兼太子賓客本年免

吳源福建莆田人洪武初舉明經耆儒十三年任夏官
兼太子賓客本年以老歸後起國子司業

安然河南祥符人故元參政來附洪武十三年任四輔
十四年卒

李幹山西絳州人故元編脩洪武十四年任四輔本年
調蘓州府知府

何顯周直隸內黃人洪武初薦舉耆儒十五年任四輔
本年致仕



弇山堂別集卷四十六